

Pejabat Timbalan Naib Canselor
(Hal-Ehwal Pelajar dan Alumni)
Office of Deputy Vice-Chancellor
(Students Affairs)

Universiti Teknologi MARA
40450 Shah Alam, Selangor, MALAYSIA.
Tel: (+603) 5544 2003 / 2244
Fax: (603) 5544 3512
E-mail: nasuddine@salam.uitm.edu.my



UNIVERSITI
TEKNOLOGI
MARA

46

**PEKELILING TIMBALAN NAIB CANSOLOR
(BAHAGIAN HAL EHWAL PELAJAR DAN ALUMNI)
Bil. 1 /2009**

Kepada :
**Dekan Fakulti
Pengarah Kampus
Semua Pelajar
Universiti Teknologi MARA**

السلام عليكم ورحمة الله وبركاته

Y. Bhg. Dato' / Prof. / Dr. / Tuan / Puan / Saudara / Saudari,

**PERLINDUNGAN KESIHATAN PELAJAR DI BAWAH SKIM PERKHIDMATAN KESIHATAN
PELAJAR**

Perkara di atas dengan hormatnya adalah dirujuk.

Adalah dimaklumkan bahawa Universiti Teknologi MARA telah menyediakan perkhidmatan kesihatan untuk semua pelajar sepanjang tempoh pegajian di bawah satu skim yang dinamakan Skim Perkhidmatan Kesihatan Pelajar. Kemudahan ini meliputi kemudahan-kemudahan yang disediakan oleh pihak Universiti di Pusat Kesihatan di UITM Shah Alam dan Unit Kesihatan di Kampus Negeri serta di mana-mana klinik atau Hospital Kerajaan dan Hospital Universiti di Malaysia.

Semua **pelajar yang telah mendaftar dan disahkan** sebagai pelajar UITM adalah layak untuk mendapatkan perlindungan kesihatan di bawah skim ini. Perlindungan kesihatan ini **termasuk pelajar yang sedang bercuti dalam semester pengajian, menjalani latihan praktikal di organisasi luar, berada di luar kampus atas urusan rasmi universiti** seperti menghadiri seminar atau terlibat dengan pertandingan dalam program pelajar seperti sukan, debat dan program-program pembangunan pelajar serta akademik yang telah diluluskan oleh pihak universiti.

Pelajar yang telah tamat pengajiannya (tarikh keputusan mesyuarat Senat Universiti), cuti khas satu semester, pendaftaran ditangguh, ditarik balik atau digantung pengajian oleh Universiti adalah tidak dilindungi oleh skim ini.

Sebagai panduan dan rujukan, disertakan petikan dari Skim Perkhidmatan Kesihatan Pelajar UITM, tahun 2004 seperti berikut :

Perkara 4.1 : Rawatan Pesakit Luar

..."Semua Pelajar sepenuh masa adalah layak untuk mendapat rawatan dari unit/ pusat kesihatan mengikut jadual yang ditetapkan".

Perkara 4.1.6.2 : Kemudahan Wad di Hospital Kerajaan/ Universiti

Bagi kes yang perlu dirujuk di Hospital Kerajaan atau Hospital Universiti, pelajar berkecukupan tinggal di Wad Kelas Dua (2) atau lebih rendah. Universiti Tidak akan menanggung apa-apa bayaran bagi kelas yang lebih tinggi dari Kelas Dua (2).

Perkara 4.1.6.3 : Hospital Swasta

"Universiti tidak akan menanggung apa-apa jenis bayaran bagi rawatan atau wad di Hospital/ Klinik Swasta"...

Perkara 4.1.6.4 : Tempoh Tanggungan Perbelanjaan Wad

"Universiti hanya akan menanggung perbelanjaan tinggal di Wad tidak melebihi 30 (Tiga Puluh) hari bagi satu-satu tahun akademik"...

Perkara 4.1.7 : Hospital Kerajaan

Universiti juga akan menanggung kemudahan rawatan pelajar di mana-mana Hospital Kerajaan atau Hospital Universiti samada dirujuk Doktor Universiti atau dengan Doktor pilihannya sendiri, sepanjang pengajiannya, selagi ia menjadi pelajar di Universiti ini.

Perkara 4.2.1 : Surat Jaminan

Seorang pelajar atau warisnya boleh mendapat Surat Akuan/ *Guarantee Letter* tanggungan bayaran Hospital oleh Universiti dari Unit/ Pusat Kesihatan UiTM atau Pejabat Hal Ehwal Pelajar (HEP). Tempoh sah laku Surat Akuan adalah 1 (satu) bulan dari tarikh ianya dikeluarkan.

Perkara 4.2.2 : Kos Rawatan yang ditanggung oleh Universiti

"Universiti akan menanggung kos bayaran yang tidak melebihi RM 5,000.00 dalam satu tahun akademik bagi seorang pelajar yang dikenakan oleh pihak Hospital ke atas pelajar"...

Perkara 4.2.2 : Mendahulukan Bayaran

Pembayaran kos rawatan di Hospital yang terpaksa didahulukan oleh pelajar boleh dituntut dari Universiti dengan mengemukakan resit-resit asal kepada Pejabat Pusat/ Unit Kesihatan UiTM bagi pengesahan Doktor Universiti

Oleh yang demikian, semua pelajar UiTM sepenuh masa adalah dilindungi oleh Skim Perkhidmatan Kesihatan Pelajar dan adalah layak untuk mendapatkan kemudahan mengikut syarat dan kelayakan yang ditetapkan.

Sekian untuk makluman Y.Bhg. Dato' / Prof./ Tuan/ Puan/ Saudara/ Saudari.

والسلام

Yang benar



PROF DATO' DR HJ NASUDDIN OTHMAN

Timbalan Naib Canselor

Hal Ehwal Pelajar dan Alumni

s.k. : Pengarah, Pusat Kesihatan UiTM

Rujukan Kami : 100-HEP (PT. 6/5)

Tarikh : 2 Januari 2009

..ry